

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I POSLOVE
MJESNIH ZAJEDNICA
Broj: 03-04-3095/20
Lukavac, 07.07.2020. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 03-04-3095/20 od 06.07.2020. godine u otvorenom postupku javne nabavke radova rekonstrukciju i izgradnju puteva na području općine Lukavac, Pomoćnik općinskog načelnika za Službu za investicije i poslove mjesnih zajednica d o n o s i

ODLUKU

o izboru najpovoljnijeg ponuđača za nabavku radova za rekonstrukciju i izgradnju puteva na području općine Lukavac

Član 1.

Prihvata se preporuka Komisije za provođenje postupka javne nabavke broj: 03-04-3095/20 od 06.07.2020. godine i Ugovor za javnu nabavku radova za rekonstrukciju i izgradnju puteva na području općine Lukavac dodjeljuje grupi ponuđača - konzorciju „S.E - SARAJKA“ d.o.o. Živinice i „Holex“ d.o.o Živinice, koji su dostavili ponudu broj: S-789 od 01.07.2020. godine, za ponudenu cijenu u vrijednosti od 481.207,03 KM i rokom plaćanja 65 (šezdesetpet) dana od dana prijema računa, kao najpovoljnijem ponuđaču.

Član 2.

Izabrani ponuđač je u sastavu ponude dostavio ovjerene kopije dokumentacije iz člana 45. stav (2) tačke a) do e) Zakona o javnim nabavkama BiH, ovjerenu kopiju potvrde poslovne banke tražene tačkom 13.2.2.a) i ovjerenu kopiju potvrde poreske uprave o broju uposlenih/lista osiguranih lica tražene tačkom 13.3.4. Tenderske dokumentacije broj: 03-04-3095/20, te isti nije dužan naknadno dostavljati navedenu dokumentaciju.

Član 3.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 12-04-2156/20 od 10.06.2020.godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 528.000,00 KM.

Obavještenje o nabavci broj: 719-1-3-30-3-55/20 objavljeno je na Portalu javnih nabavki dana 12.06.2020. godine.

Komisija za provođenje postupka nabavke imenovana Rješenjem broj: 02-04-19-20/20 od 12.06.2020. godine, dostavila je Pomoćniku općinskog načelnika za Službu za investicije i poslove mjesnih zajednica Zapisnik o pregledu i ocjeni ponuda broj: 03-04-3095/20 od 06.07.2020. godine, Preporuku o izboru najpovoljnijeg ponuđača broj: 03-04-3095/20 od 06.07.2020. godine i Izvještaj o radu broj: 03-04-3095/20 od 03.07.2020. godine.

U postupku po Izvještaju o radu utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;

- da nije bilo neblagovremeno primljenih ponuda;
- da su ponuda Konzorcija ponuđača: „S.E - SARAJKA“ DOO Živinice i „Holex“ doo Živinice i ponuda ponuđača „ROADING“ DOO Gračanica kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, ocijenjeno je da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 528.000,00 KM bez PDV-a i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
- b) Rok plaćanja..... 2 %

Konzorcij ponuđača „S.E - SARAJKA“ DOO Živinice i „Holex“ doo Živinice dostavio je prihvatljivu ponudu sa cijenom u iznosu od 481.207,03 KM i rokom plaćanja 65 (šezdesetpet) dana od dana prijema računa i osvojio 100,00 bodova, te je u odnosu na kriterij za dodjelu ugovora rangiran na prvo mjesto.

Iz navedenih razloga, primjenom člana 64. stav (1) tačka a) Zakona o javnim nabavkama, člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), i člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „S.E - SARAJKA“ doo Živinice –lider konzorcija „S.E - SARAJKA“ doo Živinice i „Holex“ doo Živinice
2. „ROADING“ d.o.o Gračanica
3. Arhivi

PO OVLAŠTENJU OPĆINSKOG NAČELNIKA
 POMOĆNIK OPĆINSKOG NAČELNIKA
 (ovlaštenje broj: 02-30-18008/20 od 28.02.2020.)
 Emir Begić, dipl.ecc.

